

儀禮經傳內編

儀禮經傳內編卷二十一

祀天神禮五之一說見前卷

諸侯迎四時禮

王迎四時禮此及下條乃王國迎四時與其祭之之禮而侯邦亦行之者也迎四時亦謂之迎氣其禮畧見

于禮記月令但秦不韋所輯不必盡符周制耳祭四時畧見祭法其禮有二若即迎即祭祭乃五帝之兆也若更特為合祭則不于各如兆而別祭于泰昭之壇矣今將經傳約記于左學者更詳之可也

迎春之禮先立春三日大史謁之天子曰某日立春盛德在木天

子乃齊大音太先悉薦反齊齋同○注曰太史禮官之屬掌正歲年以序事謁告也疏曰先立春三日者周法五時迎氣皆

前期十日謁告以當散齋七日致齋三日也今素法三日蓋散齋二日致齋一日與謁告也爾雅釋言文盛德在木者天以覆蓋生

民為德四時各有盛時春德為生盛德在于木位也立春之日天子親帥三公九卿諸侯大

農四時

夫以迎春于東郊還反賞公卿諸侯大夫于朝命相布德和令行

慶施惠下及兆民慶賜遂行毋有不當注曰迎春者祭蒼帝于東

郊之兆也王居明堂禮出十五里迎歲蓋殷禮周制則在近郊五

十里相謂三公德善教也令時禁也慶謂休其善惠謂恤其窮也

天子曰兆民遂猶達也當得也言慶賜皆得其人也既曰十二月

節氣有早晚立春等不必正當月朔晚則節氣在當月之內早則

節氣在前月之中故立春為正月節或在十二月中但至立春之

節雖在十二月即行立春之禮耳立春立秋云天子親帥三公九

卿諸侯大夫立夏立冬帥不云諸侯又不備立夏云乃封諸侯于

夏是也又孟春云賞公卿諸侯大夫于朝慶賜遂行毋有不當孟

夏云還乃行賞封諸侯慶賜遂行無不欣悅孟秋云還乃賞軍帥

武人于朝孟冬云還乃賞死事恤孤寡四時所賞不同者度云順

時氣也春陽氣始著仁澤之時夏陽氣尤盛萬物增長故順其時

而賞朝臣及諸侯慶賜廣布無不當而欣說也秋陰氣始著嚴凝

之時冬陰氣尤盛萬物衰殺故從其時而賞軍帥及武人賞死事

者及其妻于也按賈馬蔡邕皆謂迎四時為祭大皞及句芒之屬

蓋以上文云其帝大皞其神句芒等故也今鄭獨以為蒼帝之屬

者禮器云饗帝于郊而風雨節寒暑時但是人帝何能專使風雨

寒暑得時乎王居明堂禮逸禮篇名按公羊隱五年傳三公者何天子之相也自陝而東周公主之自陝而西召公主之至六國時一人知事者特謂之相史記樞樞侯范雎蔡澤皆為秦相後又為丞相是也天子曰兆民左傳開元年晉十假之辭遂申遂也尚書顯忠遂良商頌莫遂莫遠是也

迎夏之禮先立夏三日大史謁之天子曰某日立夏盛德在火天

子乃齊夏德為長盛德在于火位立夏之日天子親帥三公九卿大夫以迎夏

于南郊還反行賞封諸侯慶賜遂行無不欣說說悅同○注曰迎夏祭赤帝于南郊

之兆也夏冬不言帥諸侯詩侯時或無在京師空其文也按記祭統云古者于禘也發爵賜服順陽義也于嘗也出田邑發秋政順陰義也今此行賞可也而封諸侯則違于古封諸侯出土地之義似失之愚按注蓋以秋出田邑為出土地以封諸侯故以夏封諸侯為違古制也然祭統蓋云嘗之日發公室則出田邑乃出其所藏即發公室之義初非出地封國之義也注執以議此似率矣

迎秋之禮先立秋三日大史謁之天子曰某日立秋盛德在金天

子乃齊秋德為敘盛德在于金位立秋之日天子親帥三公九卿諸侯大夫以

迎秋于西郊還反賞軍帥武人于朝迎秋祭白帝于西郊之兆也軍帥諸將也武人有勇力者

迎冬之禮先立冬三日大史謁之天子曰某日立冬盛德在水天

子乃齊冬德為敘盛德在于水位立冬之日天子親帥三公九卿大夫以迎冬

于北郊還反賞死事恤孤寡迎冬者祭黑帝于北郊之兆也死事謂以國事死者孤寡其妻子也

諸侯祭四時禮見上

王祭四時禮見上

祭四時用少牢于泰昭之壇祭畢乃埋之餘如凡祭之禮

記祭法埋少牢于泰昭祭時也泰昭壇名時四時也

諸侯迎寒暑禮見下

王迎寒暑禮 此及下條乃王國迎寒暑與其祭之之禮侯邦亦行之而其禮皆闕也今畧見周禮始記以備
之不合于迎祭四時禮者迎四時以四孟而迎寒暑以二仲其祭之壇位亦異也

逆暑之禮中春書擊土鼓飲幽詩以逆之 中仲同 中秋夜迎寒如

逆暑之禮

記周禮籥章擊土鼓幽籥 注曰土鼓杜子春云以瓦為匡以革為面也幽籥鄭司農云幽國之地竹

幽詩亦如之玄謂幽籥幽人吹籥之聲章也明堂位云土鼓柷桴葦籥伊耆氏之樂疏曰後鄭不從于春者黃帝已前未有瓦器故也又不從先鄭者按下吹幽詩幽雅幽頌是籥中吹幽風及雅頌之聲章故謂之籥章耳引明堂位之文者破于春土鼓用瓦司農幽籥用竹也 中春書擊土鼓飲幽詩以逆暑中秋夜迎寒亦如

之 幽詩幽風七月也吹之者以籥為之聲七月言寒暑之令故迎氣歌之迎暑以晝求諸陽迎寒以夜求諸陰也疏曰中春二月也言迎暑者謂中春已後漸暄故預迎之耳中秋亦然

諸侯祭寒暑禮

見上

王祭寒暑禮

見上

祭寒于坎祭暑于壇餘如祭四時之禮迎若祖一也

〔記〕祖迎于坎壇登寒暑也

祖迎舊誤為相近王肅定為祖迎注讀為讀禱今按孔叢作祖迎王說是

祖迎猶送逆也

諸侯祭司寒禮

王祭司寒禮

此王國祭司寒以藏冰啟冰之禮侯邦亦行之而其禮並闕也今將風詩禮記春秋傳姑記于

左

〔記〕圃風七月二之日鑿冰冲冲三之日納于凌陰四之日其蚤

獻羔祭韭

二之日三之日四之日謂三陽三陽四陽之月之日也冲冲鑿冰之意凌陰藏冰之室羔韭祭司寒之神

以開水也。月令：季冬命取水以入，仲春天子乃獻羔，開冰，先薦寢廟。

開出也。○注曰：祭司寒而出之，薦于寢廟，乃賦之。疏曰：傳云祭司寒而藏之，明藏時祭之，故時亦祭之也。云薦于寢廟，乃賦之者，薦謂仲春賦之，謂孟夏也。按周禮：凌人夏頒冰為夏正，孟夏建巳之月，而左傳：火出而畢賦為夏正，春建辰之月，不相符者，建辰之月，火星始出，至建巳，火星漸高，總而言之，亦得稱火出，早則三月之末，晚則四月初，不甚相遠，且三月內有得四月節，故據夏言之也。

考左傳：昭公四年大雨雹，季武子問于申鷲曰：雹可禦乎？禦止也。申

曹公對曰：聖人在上無雹，雖有不為災。疏曰：無雹謂無害物之

也。古者日在北陸而藏冰，西陸朝覲而出之。朝如字。陸猶道也。謂夏十二月日

在虛危，冰堅而藏之。夏三月日在昴畢，蟄虫出而用冰也。春分之中，奎星朝見，東方疏曰：爾雅：高平曰陸，道多高平，故註陸為道也。北陸日在虛危者，謂夏之十二月日在玄枵之次，小寒節

大寒中，漢書律歷志：歲劉歆三統歷云：玄枵之初日在婺女，八

司寒

卷二十一

四

度為小寒節在危初度為大寒中終于危十五度是夏之十二
 月日在凜危也時寒極冰厚故取而藏之考周禮凌人正歲十
 有二月令斬冰詩云二之日鑿冰沖沖月令季冬冰盛水腹命
 取冰注云凜危也以此知日在北陸謂夏之十二月也觀見也
 西陸之宿有奎星朝見也注云日在昴畢者謂三月日在大梁
 之次清明節於中三統歷云大梁之初日在胃七度為清明
 節在昴八度為穀雨申終于畢十一度是夏之三月日在昴畢
 也時蠶始已出有溫昏與穠常用冰故出之但考歷法星去日
 半次則得朝見三統歷春分日在婁四度經奎宿凡十六度乃
 次費則是春分之奎去日已二十度故二月春分奎得早朝見
 乎東方劉炫云春分奎星已見杜注乃云三月奎始朝見非也
 按杜注西陸朝觀謂春分之中奎星朝見東方于此之時國乃
 獻羔祭韭而啟冰此據傳文祭冰公始用之者也其所注夏之
 三月日在昴畢熱中出而用冰此據傳文其出之也朝之祿位
 賓食喪祭于是乎用之蓋昔賜羣臣之屬所謂火出而畢賦者
 也然則冰之初出在西陸始朝觀之時冰之普出在西陸既朝
 觀之後摠而言之皆得稱西陸朝觀而出之劉炫不細觀杜意
 以其既言春分朝見又言夏三月日在昴畢而規其失蓋非也
 其藏冰也深山窮谷固陰迥寒于是乎取之其出之也朝之祿

位賓食喪祭于是乎用之

涖尸故反。道達其氣使不為災也。朝之祿位用

之言不獨供公也。疏曰山遠而難窮故言深山山谷近而易盡故言窮谷。固牢。涖閉也。半陰閉寒言不得見日而寒甚也。周禮甞人掌五物。鄭司農云五物謂龜鼈有甫胡是。涖為閉也。深山窮谷之末。至夏猶未釋陽氣起于下伏積而不能出其憤發或散而為瘧故藏冰必取此積陰之冰以道達其氣使不為災也。祿位謂公卿以上用之者。凡其賓客享食喪紀祭祀皆用之。明不獨公身所用矣。周禮凌人云春始治鑑。凡內外饗之膳羞。鑑焉。凡酒漿之酒醴亦如之。祭祀共冰。鑑賓客共冰。大喪共夷槃冰。此謂公家所用也。

其藏之也黑牡秬黍以享司寒其出之也桃弧棘矢

以除其災

拒音巨。黑牲黑牲也。秬黑黍也。司寒玄冥北方之神。故物皆用黑也。桃弓棘箭禳除凶邪以御至尊故

也。疏曰黑牡黑牡羊也。啟冰唯獻羔韭藏冰則祭牲黍者啟唯告而已。藏則設享祭之禮。祭禮大而告禮小故也。說文云狐木弓也。謂空川木無骨飾也。服虔云桃以迷凶也。棘矢者棘亦有箴取其名也。置此于凌室之戶以除邪也。其出入也

時食肉之祿冰皆與焉大夫命婦喪浴用水

與音預。食肉之祿謂凡在朝治其

職事就官食者命婦大夫妻也疏曰在官治事官皆給食大夫以上食乃有肉魯人謂曹劇曰肉食者謀之是也喪浴用冰謂受賜而用之也喪大記云君設大盤造冰焉大夫設夷槃造冰焉是也祭寒而藏之獻羔而啟之

公始用之火出而畢賦自命夫命婦至于老疾無不受冰此申上文

自君而公卿凡命夫命婦之屬也又言至于老疾而用益廣矣山人取之縣人傳之輿人納之

隸人藏之此又申言取之之人也○注曰山人虞官縣人遂屬也輿隸皆賤官疏曰周禮山虞掌山林之政令知山人虞官也五縣為遂是縣為遂之屬夫冰以風壯而以風出其藏之也周其用之

也徧則冬無愆陽夏無伏陰春無凄風秋無苦雨雷出不震無

苗霜雹癘疾不降民不夭札壯者因風寒而堅出者順春風而散周猶審也愆過也過陽謂冬溫

伏陰謂夏寒凄寒也苦雨謂霖雨為人患苦也震霆也短折曰

夭大死曰札疏曰詩云以祈甘雨此云苦雨而一也養物為非

害物為去月命孟夏行秋令則苦雨數來是也震說文云霹靂

也釋天云疾雷為霆電也不震言有雷而不為霹靂下云雷不

發而震言無雷而有霹靂也寒暑失則民多癘疾故云降洪範六極一曰凶短折孔安國云短未六十折未三十是短折為少天之名周禮膳夫大札則不舉鄭玄云大札謂遭疫癘而大死也今藏川池之冰棄而不用風

不越而殺雷不發而震也之為雷誰能禦之

注曰不藏深山窮谷之冰川池而已

又火出不賦是謂棄之越散也疏曰言屋不以理舒散雷不以時動發而為害也

七月之卒章藏冰之

道也

注曰七月納于凌陰謂正月藏之也四之日其蚤獻羔

祭非謂二月祭而開之也疏曰凌人十二月令斬冰是即以其月納于凌室也詩言三之日納于凌陰是正月納之者鄭玄云幽土晚寒故也何休者言難此云春秋書雹以為失政之所致非由冰也鄭玄箴之曰雨雹罔政失之所致但國之失政君子知其大者其次知其小者藏冰之禮凌人掌之月令載之幽詩歌之此獨非政與夫深山窮谷固陰近寒極陰之處冰凍所聚不取其冰則氣畜不泄而為伏陰凡兩水陽也雪雹陰也雨水而伏陰薄之則凝而為雹雨雪而愆陽薄之則合而為霰申豐見時有雹推之陰陽之理見藏冰之禮不可廢以成失政耳謂雹不盡由冰以難之何哉

侯國祀司民司祿禮

王國祀司民司祿禮

按星傳軒轅十七星有兩角角有大民星小民星司祿文昌宮第六星也特祀

之者食乃民天民為邦本故祀其神而獻民數穀數于王也其禮侯國之司冠亦應行之而獻于君以獻于王而其禮固皆闕不可考矣今錄記周禮各職于左

〔記〕周禮司民掌萬民之數以民數獻司冠司冠及孟冬祀司民

獻其數于王王拜受之登于天府見小司冠孟冬祀司民獻民

數于王王拜受之以圖國用而進退之民事成故祀而報之也進退猶言損益數多則

敘豐而用充少則敘約而用節王蓋與冢宰圖而制之與天府若祭天之司民司祿而獻民

數穀數則受而藏之又祀司祿以獻穀數也蓋地官司祿獻之而職闕矣

凡貞歲禮此特貞問來歲吉與因祭而卜來歲之稼者有別蓋亦祭之意也禮闕今姑記周禮于左

記周禮天府季冬陳玉以貞來歲之媿惡問事之正曰貞問歲之媿惡者謂問于龜

大卜職大貞之屬也陳玉謂陳禮神之玉龜有天地四方則玉有六器與言陳者既事裁之不必理之也疏曰謂夏之季冬歲終當除舊布新故此時將卜筮來歲之美惡先陳玉以禮神也

禮記少儀問卜筮曰義與志與注云義正事也志私意也是問卜筮存不正故問事之正曰貞也大卜職大貞之屬即卜立君

卜大遷卜大封是也今卜來歲之媿惡亦彼類故云之屬龜有天地四方龜人職文六器者

大宗伯以玉作六器之類

大夫祈年禮此公卿有田祿者祈年之禮今已闕姑記雅詩以備之也然王朝之公卿視諸侯而曾雅詩傳

亦引周禮篇章為証蓋其與王侯之禮當亦不甚相遠矣

記宵雅甫田琴瑟擊鼓以御田祖以祈甘雨以穀我士女注曰御迎

也田祖謂先商始耕田者即神農也見周禮篇章教養也言作樂以祭田祖而祈雨庶有以大其黍稷而養其民人也

諸侯祈年禮說見上下

祈年

卷三十一

七

王祈年禮王祈年蓋非一禮而今皆闕矣今以經傳考之蓋五冬孟春季春及凡為農祈禱之禮皆祈年也故

遞採之而記于左但寢廟祈麥田祖祈年非皆天神連引之耳

記月令孟冬天子乃祈來年于天宗疏曰天宗謂日月星辰也蓋因蜡而祈之也孟

春乃以元日祈穀于上帝元之言善謂上辛日之善者蓋郊祭天配以后稷而祈穀也此王者之禮

而魯亦受賜而用之故魯無冬至大郊之禮而有孟春祈穀之禮周禮籥章掌土鼓圜箛凡國

祈年于田祖飲圜雅擊土鼓以樂田峻注曰土鼓杜于春云以瓦為匡以革為面也圜

箛鄭司農云圜國之地竹圜詩亦如之立謂圜箛圜人吹箛之聲章明堂位云土鼓舊桴箛箛伊耆氏之箛是也圜雅亦七月

詩也于邦舉趾隨彼南畝之類是也田峻鄭司農云古之先教田者爾雅云峻農夫也疏曰後鄭不從子春者黃帝以前未有

瓦器故也又不從先鄭者下文吹圜詩圜雅圜頌是箛中吹圜風及雅頌之聲詩故謂之圜箛耳何云圜地之竹乎引明堂位

之文者破于春土鼓用瓦圜箛用竹也此祈年于田祖并職內逆暑迎寒並不言祀既告神有祀可知其禮物不過如祭法理

少牢之類也爾雅云峻農夫也以其教農故號農夫愚按周禮祝掌祈年之禮即大祝二曰年祝而小祝所謂順豐年逆時雨者也其禮下達今皆亡以各經傳推之固畧見矣但幽雅幽頌今雅頌自有其詩注一以七月當之朱子雖別存為一義固不取其說也其樂田峻訓為古之教田者今以蜡祭之息老物推之蓋即指當時教農之官幽雅楚茨詩田峻至喜及月令命田舍東郊注訓田為田峻皆是也至官各篇章固指聲章而掌云田籥自指樂器其辭亦有合有離若夫迎年有祭禮則以職內祭蜡例之較明矣又豈徒懸揣其有祀而已哉學者詳之

考詩雲漢祈年孔夙

此宣王救旱之詩而迫述其平時預為民祈年請命之意也

鄉雲禮

此王國鄉遂之屬祭雲之禮而下達侯邦亦有之也其禮闕今姑採周禮畧記于左餘見王雲禮

記周禮黨正春秋祭樂則屬民而讀邦法

注曰祭即祭法所謂雲宗祭水旱也左傳

日月星辰之神則霜雪風雨之不時于是祭之山川之神則水旱疫癘之不時于是祭之是也愚按雲祭有三王侯以已月傳所謂龍見而雲是也鄉里以春秋此是也其因早曠修雲則藉人共其雲故司巫帥巫而舞雲是也諸雲各為一禮甚明或乃

以此春祭禁即為已
月龍見而雩者非

諸侯雩禮見下

王雩禮

此王者大雩之禮而諸侯禮當從殺也禮今皆闕然

示祀百辟卿士為人鬼而大雩帝其總也

故列于天神云下禮凶荒札喪禮放此

記月令仲夏天子命有司為民祈祀山川百源大雩帝用盛樂

凡川發源于山欲禱雨而祭之亦祭川先河後海之義○注曰
雩猶禁也禁絲為位故名禁嗟聲以禱故曰雩周禮所謂凡邦
之大裁至歌哭而請是也雩帝舊謂為壇南郊之旁祭五行之
帝而以五人帝配之也愚按龍見而雩為四月月令謂仲夏大
雩則五月矣此呂氏之誤凡邦乃命百縣雩祀百辟卿士有益
之大災別是一條注引亦失

于民者以祈殺實

百縣謂凡內外之邑百辟卿士謂古勾龍后稷之屬自帝下達靡神不宗其所殺實也至

矣

禮凶荒札喪禮 此祭圓丘方澤之餘禮而二大禮既闕况其餘乎今姑記周禮以備考也餘說見上

記周禮凡以神仕者以冬至致天神人鬼以夏至致地示

物彪以禮國之凶荒民之札喪 彪眉秘反○注曰天人陽也地物陰也陽氣而致天神人鬼陰

氣升而致地示物怪所以順也祭于壇

安宅禮 此占天之妖祥而禳安之之禮天神禮而人與地乃相安矣故曰安宅也禮闕今採記周禮于左

記周禮既禋掌十輝之法以觀妖祥占吉凶 日氣曰輝十輝詳見周禮

宅敘降正月則行事歲終則弊其事 宅居也妖祥降則居不安故觀而占之則次敘省禱

而安之也弊斷也歲皆行之歲首為重故行于正月至歲終則總斷其驗否也

諸侯祀四類禮

王祀四類禮 四類若四望之禮諸說不一先鄭謂四望為日月星海道氣出入也四類為九皇六十四民志

皇五帝也後鄭謂四望為五嶽四鎮四瀆也四類為日月星辰也其餘甲乙異說無定說今按大小宗伯職相表裏四望即日月星辰之屬大司樂以祀四望為天神是也四類即司命司中風師雨師之屬崔氏謂四者皆隨其類以祀之是也如諸說毋論各相矛盾但細玩前鄭則四望合天神地示為一兆恐無是理而四類則又小宗伯有兆而大宗伯更無禮也玩後鄭則嶽瀆既為四望而兆四望之下復兆山川丘陵之屬又可通乎故今以大小宗伯正之而因記其闕于左

記周禮大宗伯以禋燎祀司中司命輿師雨師觀古風字司中司命皆文昌宮

星所謂一上將二次將三上相四司命五司中六司祿也風師謂箕星雨師謂畢星**小宗伯兆四類于四**

郊注謂兆司中司命于南郊風師于西郊雨師于北郊崔氏謂隨其類以祭之也

諸侯望祀禮見下

王祀四望禮按四望為祀天神之禮以日月星辰為主而旁及在天之神惟王禮有之諸侯不得望祀日月

先儒蓋謂分野之星及其封內山川則祭之傳所謂祭不邊望是也魯有不郊猶三望之文說者謂降于天子之禮或又

謂魯之僭禮蓋諸儒亦莫定矣然則四望以日月星辰為主而書云望于山川及傳云江漢睢漳楚之望也皆稱山川為望何也曰此所謂方望無所不通者也望祀以日月星辰為主而徧及天神方祀以嶽瀆為主而徧及地示王者皆望其方而祀之祭之其天神稱望祀地示稱方祀者對文而山川亦得稱望者散文則通也大司樂大詔以祀四望大夏以祭山川二者並言則不得以山川為四望亦明矣漢儒蓋以望于山川及楚之望也之文而遂以山川嶽瀆為四望而其他人又皆雜出不倫也蓋亦未之審與

記周禮大宗伯以實柴祀日月星辰實牲柴上典瑞圭璧以祀

日月星辰圭璧謂圭若璧也典瑞祀天地旅四望皆言圭有邸祀日月星辰不言有邸而玉人亦但言圭璧五寸以

祀日月星辰是也舊謂璧為邸而圭者其中者蓋誤矣言圭璧祀日月星辰又言兩圭有邸旅四望者方望之事無所不通旅

四望則兩圭有邸專祀日月星辰則注小宗伯兆四望于四郊注

圭璧耳國有大故則旅四望是也注兆日于東郊兆月于西郊也星辰之屬蓋緣四郊矣司服祀四望則禘冕禘冕見服大司樂

秦姑洗歌南呂舞大韶以祀四望下別云秦終賓歌函鍾舞大夏以祭山川則以嶽瀆山川

為四望者謬也且天神言祀地示言祭亦難混矣牧人望祀各以其方之色牲毛之

取純也若宗廟則尚駢矣男巫望祀望衍授號旁招以茅

一注讀為延某一作施皆聲之

誤也○延猶進也號謂神號旁招非一之詞猶言于彼乎于此乎言望祀以望而延之授以神號而以茅旁招之也

右合祀日月星辰之屬

記祭法王宮祭日也夜明祭月也幽宗祭星也注曰王宮日壇夜明月壇幽宗

星壇宗常為祭文誤也春秋傳日月星辰之神則雪霜風雨之

不時于是乎祭之是也疏曰日神特尊故壇稱王宮月星夜出

故壇稱夜明及幽宗按莊二十五年公羊傳以朱祭義祭日于

經營社恐人犯故營之祭有營義故讀為祭也

壇祭月于坎祭日于東祭月于西疏曰祭日于壇謂春分祭月于坎謂秋分祭日于東用且

祭月于西用夕按崔氏云祭日祭月據郊祭天而主日配以月

今按若是郊祭日月當同處何得日于壇月于坎日于東月于

西則崔說非也。崔又云：日月合祭，其禮大。故郊特牲用大牢。春分朝日，秋分夕月，其禮小。故祭法用少牢。今按小司徒小祭祀奉牛牲，鄭注謂玄冕所祭也。祭法日月用少牢，鄭注謂禘祈之祭也。則崔說又非也。崔氏又云：迎春之時，兼祭日月。今按諸文迎春迎秋無祭日月之文。小宗伯云：兆五帝于四郊，四望四類亦如之。故鄭云：兆日于東郊，兆月于西郊，不謂兆五帝之時。即祭日月也。則崔說又非也。愚按對文分壇坎散文亦通各壇祭法。注夜明日月壇是也。國語：天子大采朝

日，與三公九卿祖識地德，少采夕月，與太史司載糾。天刑。

天子以春分朝日，秋分夕月。舊云：大采，衮織也。少采，黼衣也。昭云：王漢天子玄冕以朝日，玄冕為冕服之下，不得云衮織。按周禮王攝大圭執鎮圭，藻五采五就以朝日，則朝日謂圭藻五采而夕月則五采也。祖習識，知糾恭虔敬刑法也。司載未詳，舊謂司天文之官，馮相保章之屬也。一謂載猶事也。言天子與公卿因朝日以修陽政，而習地德，因夕月以治陰教，而糾天刑。日照，查月照夜各因其明以修其職也。愚按德為周禮掌次朝日，則張陽和法為陰肅，故注以陽政陰教分釋之。

大次小次設重帘重案。朝直還反，重直龍反。○注曰：次謂帳也。大帳初往所止居也。小帳既接祭退俟。

之處重複也疏曰重布謂于帳中設承
座也案則牀也言重謂牀上設重席也
玉藻天子玄端而朝日

于東門之外覲禮云天子乘大旆象日月升龍降龍出拜日于東門之外又云禮日于南門外禮月于北門外皆

謂壇門也此則謂王城之東耳玄端注謂玄冕
之誤也然祀四望以毳冕亦非玄冕當更考之
周禮典瑞王搢

大圭執鎮圭纁藉五采五就以朝日注曰就成也纁以薦玉木為中餘用韋衣而畫五采

為五成也疏曰云木為中餘用韋衣而畫之者鎮圭尺二寸廣
三寸木板長亦如之然後用韋衣木板乃于韋上畫之一采為

一布一布為一就五采凡五就也按聘禮記緝組尺不問尊卑
皆用五采長尺以為繫所以東玉使不落也亦各纁藉者曲禮

云其有藉者則設聘禮云
上介屈纁以投賓是也

義穀梁傳雖為天子必有尊也雖為諸侯必有長也故天子朝

日諸侯朝朔朝日于東門聽朔于太廟皆以致尊敬也祭義祭日于壇祭月于坎以

別幽明以制上下祭日于東祭月于西以別外內以端其位明

月幽上墮下坎也外謂日出於東月生于西陰陽長短終始相
東出內謂西入端正也日出於東為始而長月陰生西為終而短而
巡以致天下之和始終又相巡凡陰陽長短皆相和而不相乖
也

右分祀日月星辰

王祀五帝禮此兆五帝于四郊而以時祀之之禮也按迎四氣注亦以五帝為主但非正祭之禮而祭四時

則又止以少牢祀于泰昭之壇而已若以時分祀五帝擬于昊天上帝其禮蓋大而今闕矣姑錄各經傳記義于左

記周禮小宗伯兆五帝于四郊注曰兆謂壇之營域也蒼帝東赤帝黃帝皆南白帝西黑帝北

疏曰兆云五帝不云大帝者此及下文諸兆惟以郊兆之位與國中社稷宗廟之位相對其大帝之位與崑崙崙崙自相對四郊

之外有自然之圖丘方丘掌次祀五帝張大次小次設重幣重以其不在四郊故不言也

案朝見上司服祀五帝王服大裘而冕大裘而冕謂黑羊裘而繡之上被裘也大宗

伯以青圭禮東方以赤璋禮南方以白琥禮西方以玄璜禮北

方皆有牲幣以放其器之色注曰禮謂始告神時薦于神坐也禮東方以立春南方以立夏西方

以立秋北方以立冬幣以酬饋疏曰禮神日器人執日瑞二至以禮天地四立與氣以禮五帝也不言中央者小宗伯兆五帝

于四郊注云祀黃帝亦于南郊也放依也充人祀五帝繫牲牲于牢芻之三月展牲

則告牲碩牲則贊注曰牢開也必有開者防禽獸觸醬也養牛

也特牲禮宗人視牲告充舉獸尾告備是也贊助也君率牲人致助持之也左傳奉牲以告曰博碩肥腍是也疏曰注云牢為

開者枝人養馬謂之閑此養牛羊謂之牢言閑見其閑備言牛見其牢固所從言異其實一也云防禽獸觸醬者按春秋郊牛

之口傷麋鼠食其角恐更有禽獸觸醬故防之也云養牛羊日芻者繫于牢芻之惟據牛羊若犬豕則曰豢又不繫之矣云三

月一時節氣成者按宣三年公羊云帝牲在于滌三月何休云滌官名是其三月之義也云展牲若今夕牲者謂祭前之夕省

告之如士禮視牲若克也碩牲財助持之者謂正祭之時君率牲入廟卿大夫贊幣而從于時養牲之官當助持牛紉而牽之

也。○太宰祀五帝，掌百官之齋戒，與其具。修前期十日，帥執事

而卜日，遂戒及執事，眡滌濯及納享，贊王牲事及祀之日，贊玉

幣爵之事。

齋者，謹齋也。戒者，明堂位，百官廢職服大刑是也。具者，謂祭祀之具，百官所供也。修者，謂修除也。若官人

掌六寢之修，守視其廟，有司修除之是也。前期者，前所詠之日也。十日，春散齋七日，致齋三日也。執事，謂宗伯大卜之屬，疏曰：及猶至也。謂至祭前夕，將執事也。按春官小宗伯大祭祀，眡滌濯，大宗伯宿眡，滌濯大宰尊，亦往蒞之也。特牲士禮前祭日之夕，視壺滌及豆，籩士卑得與人君同，少牢大夫禮，當祭日，概祭器者，下人君也。滌濯如少牢，雍人概鼎七，俎，際人概，饗，司官概豆，籩及勺，爵之屬，納享，謂鄉祭之晨，納牲告殺，以投享人也。凡大祭祀，君親牽牲，大夫贊之，按禮記明堂位，君肉袒迎牲于門，卿大夫贊君及殺，訖，納與享人，又按禮記，器納牲，詔于庭，殺訖，毛以告，純血以告，殺豚解而屬之，乃納與享人，燭臚，若此言納享者，謂牽牲以人時也。祭天無禋，故先迎牲，若廟祭，禋而後迎牲，日且明也。玉與幣以禮神，大宗伯以王作六器以禮天地四方，青圭、東赤璋、南白琥、西玄璜、北是也。爵以獻，五齊三酒，寡人以疏布，寡人尊是也。祭天地無禋，故無羹，不用玉爵，尚饗也。

若享先王用玉爵則尚文夫三者執以授王親執玉幣奠于神坐親酌以獻尸也 大司冠若禋祀五帝

則戒之日泣誓百官戒于百族及納享前王祭之日亦如之奉

其明水火 注曰戒之日即卜之日也百族謂府史以下也郊特

命庫門之內戒百官也太廟之內戒百姓也納享見大宰明水

火所取于日月者疏曰泣誓百官謂誓百官大司冠則臨之戒

于百族謂大司冠親自戒之也大宰云祀五帝前期十日帥執

事而卜日遂戒是也大宰掌百官誓戒戒則親為之誓則掌之

而不親蓋大宰掌之餘小官誓之而司冠臨之也引郊特牲者

見百族非王之親是府史以下也王自澤官而還入廟門至庫

門之內大宰獻命即戒百官又于庫門內東入廟門之內乃戒

百姓彼注云百姓王之族親也故入廟乃戒之其說與此不同

及致牲謂將祭之辰祭之日謂正祭之日此二者皆大司冠為

王引道故云前王以陽燧取火于日中以陰鑑取水于月中周

禮司烜氏文奉此水火者水以配饗也與五齊火以給饗也

小司冠凡禋祀五帝實饗水酌

亭亦如之 注曰實饗水以洗解牲肉也疏曰下云納享亦如之

是亭煮肉故知此是滌洗肉也封人云共其水養亦

謂洗牲肉也。士師祀五帝，則沃尸及王盥，洎鑊水。洎音其。沃謂盥時沃以水也。洎增

也。小司寇實之，而此又增之也。疏曰：尸盥，按特牲少牢，尸尊不

就洗，人門北面，則以盤匱盥手是也。王盥，謂王將獻尸時就洗

以盥也。祀五帝，士師沃尸及王盥，其餘朝祭皆有沃盥者。小祝

職云：大祭祀沃尸盥，小臣職云：大祭祀朝覲沃王盥。鬯人職云：

凡祿事沃盥，皆是也。大司徒祀五帝，奉牛牲羞其肆。肆，托歷反。司農音四

肆，謂陳牲于房俎也。羞，進也。謂進其陳于房俎者也。○注曰：鄭

司農云：羞，進也。肆者，陳骨體也。元謂進所肆解骨體也。士喪禮

云：肆，解去蹄也。疏曰：鄭司農謂肆為陳骨體者，以肆為四音讀

之謂肩胛脊脅之屬，陳于俎上，即體解折節為二十一體是也。玄謂進所肆解骨體者，以肆為捷音讀之。士喪禮特豚四體，去蹄殊肩髀解骨體為七是也。按禮運腥其俎，謂豚解而腥之。其殺謂體解而爛之。祭祀先豚解，後體解。此初率牲以奉，即羞其肆，明豚解也。又按國語：禘郊則有全胄，先全胄後豚解。若宗廟則無全胄，先豚解次體解。故云爾也。愚按肆當讀如先鄭肆，陳之肆乃全蒸體。豚解體解，凡陳于房俎者之總名，但不得專以為陳骨體耳。若如後鄭肆，豈之解毋論其說已曲，即上而全蒸及下而體解之屬，不反漏乎。

義家語季康子問五帝孔子曰丘聞諸老聃天有五行水火金

木土分時化育以成萬物其神謂之五帝分時者一歲三百六十五日五行各主其時

木火金水四行各分主四時七十二日土無定位寄王四季各

十八日亦共七十二日也王氏曰五帝乃五行之神佐天生物

而後世識緯皆為之名字何哉古之王者易代而改號取法五行五行更王終

始相生亦象其義故其生為明王死配五行是以太皞配木炎

帝配火黃帝配土少皞配金顓頊配水更王之王音旺○法五行終死相生者始以木

德王天下次火次土次金次水以生之行轉相承也康子曰吾聞勾芒為木正祝融為火

正尊收為金正元冥為水正后土為土正此五行之主而不亂

稱帝何也孔子曰凡五正者五行之官各康子疑正為主而五子以官各釋之也五行佐成上帝而稱五帝太皞之屬配焉亦曰帝從其號昔少皞

氏之子有四叔曰重曰該曰修曰熙重為勾芒該為蓐收修為
熙為元冥顓頊氏之子曰黎為祝融共工氏之子曰勾龍為后
土此五者各以其所業為官職生為上公死為貴神別稱五祀
不得同帝稱五祀乃上公之神故不得稱帝也○王氏曰其序
五正不及五帝五帝不及天若地而不知者以祭祀
為祭地失之遠矣且土祇為五行之一是
地之子也以子為母不亦失尊卑之序乎

大饗五帝禮此季秋合祭五帝之禮即月令大饗帝
是也其禮闕今錄記義于左以備考

記禮記月令季秋仲丁命樂正入學習吹是月也大饗帝吹昌
睡反

○注曰習吹為將大饗帝也春夏重舞秋冬重吹也大饗謂遍
祭五帝也曲禮大饗不問卜此也疏曰若祭一帝則禮器謂之
饗帝云大饗知備祭五帝也禮器大饗其王事與大饗為祫與
此不同知曲禮大饗非指祫者周禮祀大神享大鬼帥執事而
計日祫祭于太祖廟禮必計日
五帝皆饗莫適上故不問卜也

義禮器一獻之禮不足以大饗大饗之禮不足以大旅大旅具

矣不足以饗帝

一獻通謂群小祀也大饗通謂禘祭羣廟合饗五帝之屬大旅謂旅上帝及群神饗帝謂正祭

上帝也舊謂大饗為禘群廟大旅為饗五帝並非以周禮歷考可見說見下祭天及大旅上帝禮

王旅上帝及四望禮

此國有大故而旅之之禮壹變禮也說詳因事之祭今錄周禮各條于左

記周禮大卜凡旅陳龜龜人旅則奉龜而往

禮凡卜日首作龜次

貞龜次泄龜五者以事之大小為職之大小若大旅則大卜實陳之也奉龜以往凡喪與祭與旅皆然

掌次王大

旅上帝則張龜案設皇邸

案牀也陳牀而張禮其上也皇邸以版為屏狀如籬展皇者尊之也

日飾如鳳凰也

典瑞四圭有邸以旅上帝兩圭有邸以旅四望大旅其

其玉器而奉之

邸本也注謂皇為邸而四圭則著其四職金旅面兩圭則著其兩旁也玉器即兩圭也

于上帝則其其金版

金版注謂銜金也王氏謂皇邸為後版風金以飾之也考大饗之禮納金示和也

金次之見情也本職云旅上帝則司尊彝大旅存彝奠存省也

共金版饗諸侯亦如之注說近是莫不遠

徵時省之也笙師大旅陳樂器既瞭大旅厥樂器既瞭言大喪厥樂器大旅亦如之笙

師言大喪厥樂器大旅則陳之者凡厥則必陳陳有不厥故也

明堂祀上帝禮也此季秋祀上帝于明堂而以文王配之之禮也其禮闕今錄記孝經于左○程子曰萬物

本乎天大本乎祖故冬至祭天而以祖配之以冬至氣之始也萬物成形于帝而人成形于父故季秋享帝而以父配之

以季秋成物之時也陳氏曰古者祭天于圓丘掃地而行事器用陶匏牲用犢其禮極簡聖人之意以為未足以盡其意

之委曲也故于季秋有大享之禮焉天即帝也郊而白夫所以尊之也故以后稷配焉后稷遠矣配稷于郊所以尊稷也

明堂而曰帝所以親之也故以文王配焉文王親也配文王于明堂亦所以親文王也尊尊而親親周道備矣然則郊者

古禮而明堂者周公以義起之也愚按鄭注以饗上帝為饗五帝謂禮無二尊既以后稷配天不可又以文王配之故饗

五帝于明堂而以文王配之也其說似是而非考祠祀昊天上帝則服大裘而冕祀五帝亦如之以五帝為上帝理可通

乎先儒論定不待辨矣

記孝經孝莫大于嚴父嚴父莫大于配天則周公其人也昔者

周公郊祀后稷以配天宗祀文王于明堂以配上帝是以四海

之內各以其職來祭朱子曰周文武之功起于后稷故郊祀稷以配天宗祀文王以配上帝也帝即是天

郊分祭者祭于壇故謂之天祭于明堂故謂之帝愚按對文則分名如此散文亦通

圜丘祭天禮此冬至祭天于南郊之圜丘而以后稷配之之禮也其禮闕今錄各經傳于左舊注誤信緯書

分南郊與圜丘為二禮先儒亦已辨正并錄考于後云

記禮記禮器因天事天謂因高以事高天因下以事厚地猶禮器為高必因丘陵為下必因川澤之義

典祀掌外祀之兆守皆有域掌其禁令若以時祭祀則帥其屬

而修條徵役于司隸而役之及祭帥其屬守其屬禁而帥之司隸

而修條徵役于司隸而役之及祭帥其屬守其屬禁而帥之司隸

見秋官司寇之屬

○大宗伯以禋祀祀昊天上帝

陽祀自煙起

以蒼璧

禮天牲幣放其器之色

長曰圭，圓曰璧，象天圓也。蒼，猶元也，象天色。此禮玉也。

典瑞四圭

有邸以祀天

攷工記云：四圭尺有二寸，以祀天。此不言尺有二寸，攷工記不言邸，互文也。此祀玉也。○王氏曰：天

地四方，祀玉二而禮玉則六。祀玉者，神之所主也。天之四時不同，而同出于天地之四方，不同而同歸于地，其情一而已。故典瑞職止，別以天地也。若禮玉乃人之各致其誠者，故大宗伯以六合為之等。○司服王祀昊天上帝

則服大裘而冕

大裘，黑羊裘。為黼文也。

司裘掌為大裘以供祀天之服

司服

司之此為之也。

節服氏掌郊祀裘冕，二人執戈送逆尸，從車

掌以其節為王服也。

如所謂宗廟會同，裘冕郊祀。裘冕是其節也。車，尸車也。

○禮器祭天特牲

特，獨也。止，牲不用太牢，少牢。

也。祭地亦然。蓋省文。

祭法祭天燔柴于泰壇，用牲饋

燔柴加牲玉于柴上，而饋之也。鮮，赤色。

王制祭天地之牛角繭栗

角如栗如繭，所謂饋也。

禮器郊血大饗

大饗

祭天

血毛明郊為大禮也周語禘郊則有全脊明與牛體異也表記天子親耕樂盛

鬯以事上帝秬黑黍也秬為酒曰秬鬯加鬱金香草以和之曰鬯鬯事天地用秬鬯事宗廟用鬱鬯言上帝不言

后土蓋省文○鼓人以雷鼓鼓神祀四面鼓曰雷鼓大司樂凡樂圖鐘為宮

黃鐘為角太簇為徵姑洗為羽靈鼓雷鼓孤竹之管雲和之瑟

雲門之舞冬日至于地上之圜丘奏之若樂六變則天神皆降

可得而禮矣圜鐘即夾鐘屬卯祀天神以為宮者取帝出乎震之義黃鐘以下未詳注謂黃鐘屬子太簇屬寅姑

洗屬辰三者陽律相繼也鼓八面曰靈縣之曰鼓有柄曰鼓各

雷者象聲之發也孤竹竹特生者取數之奇也雲和山名見氣

之舒也雲門象陽之出也冬至陽之始圜丘天之形自子丑至

未為陽午未至亥為陰陽止少陰之申陰止少陽之寅圜鐘屬

卯自卯至申而陽止其數六故六變也禮猶禮天地四方之禮先分樂以致之然後禮以玉而合樂祭之也 奏黃鐘

歌大呂舞雲門以祀天神義詳周禮○祭義郊之祭大報天而主曰

配以月家語文同○天陽也日為陽故主日地陰也月為陰故配之周禮凡以神仕者以冬

日至致天神人鬼見禴祭法虞禘黃帝而郊魯夏禘黃帝而郊魯

殷禘黃帝而郊冥周禘黃帝而郊稷禘者追祭始祖所自出之帝而配以始祖郊者祭天

而以始祖配之也黃帝乃四代所自出之帝故皆追禘魯稷稷乃四代之始祖故皆配郊也郊特牲郊之祭

也迎長日之至也郊之用辛也周之始郊日以謂周始郊為冬至之日而

其日為辛日故其後于是月卜用辛也鄭注垂謬今錄辯于左○注曰日以至舊謂日以周郊天之月而至也此說非也郊天

之月而日至魯禮也三王之郊一用夏正魯無冬至祭天子圓丘之禮而于其月郊天用辛日者凡為人君當齋戒自新耳周

衰禮廢儒者見周禮盡在魯因推魯禮以言周事也疏曰王肅用董仲舒劉向之說云郊之祭迎長日之至者謂周郊祭于建

子之月而迎此冬至長日之至也云用辛者以冬至陽氣新用事故用辛也云周之始郊日以至者對建寅之月又祈穀郊祭

故云始也鄭康成所以非之者按周禮冬至祭天子圓丘不謂郊也又此下云載見瓊十有二歲周禮祀昊天上帝則云大裘

而冕是服不同也周禮玉路以祀天此下云乘素車是車不同也祭法云燔柴于泰壇用騂犢周禮蒼璧禮天牲從玉色是牲不同也爾雅云非人為謂之丘泰壇則人功所作是圓丘與泰壇別也以是知郊與圓丘所祭非一故云此說非也云郊天之月而日至為魯禮也者言始郊日以至是魯國之禮明堂位云魯君孟春乘大路祀帝于郊又雜記云正月日至可以有事于上帝是也云三王之郊一用夏正者證天子之郊必用夏正魯既降下天子不敢郊天與周同月故用建子之月郊天也云周衰禮廢儒者見周禮盡在魯因推魯禮以言周事也者欲見經文實是魯郊而誤作周也按聖證論王肅難鄭云郊特牲先云郊之祭也迎長日之至也下乃云郊之用辛也周之郊郊日以至上上下下相足而玄以迎長日為夏之正日以至則為冬至之日至上下相足而玄以迎長日為夏之正日以至則為冬至之日妄為之說蓋非也玄以祭法禘黃帝及帝嚳為配圓丘之祀而祭法說禘初無圓丘之名周官圓丘亦不名為禘是禘非圓丘之祭也既以祭法禘嚳為圓丘又以大傳王者禘其祖之所自出而施之于郊祭后稷是禮之名實胥亂也按爾雅云禘大祭也釋文祭也皆祭宗廟之名則禘是五年大祭先祖之名非圓丘及郊也周立后稷廟而嚳無廟故知周人尊嚳不若后稷之重而玄說禘嚳于圓丘為配天之祀之大則孝經何不稱昔者周公禘祀嚳于圓丘以配天乎知禘配圓丘又非也又詩思文

后稷克配彼天之頌無帝譽配圓丘之文故知郊則圓丘圓丘則郊以所在言之則謂之郊以其形言之則謂之圓丘于郊祭泰壇象圓丘之形祭法云燔柴于泰壇卽圓丘也郊特牲云周之始郊日以至周禮云冬至祭天于圓丘故圓丘與郊是一也言始郊者冬至陽氣初動天之始也對啟蟄又將郊祀故言始孔子家語對定公之問與此郊特牲文並同也以上聖證論王肅所據經傳分明而鄭必別爲其說者按馬昭申鄭義引易緯云三王之郊一用夏正則周天子不用日至郊也夏正月陽氣始升日者陽氣之主日長而陽氣盛故祭而迎其盛月令天子正月迎春是也若冬至祭天陰氣始盛祭陰迎陽豈爲理乎周禮冬至至祭天于地上之圓丘凡地上之丘皆可祭無常處故不言郊其禮王服大裘而冕乘玉路建大常而明堂位及郊特牲魯君以孟春祀帝于郊服裘服乘大路載龍旂衣服車旂皆自不同何得以諸侯之郊說天子圓丘乎言始郊者魯轉十三正以建子之月爲始故稱始也記云魯君臣未嘗相弑禮俗未嘗相變而魯弑三君季氏舞八佾旅于泰山婦人壘而相毀僞者此記豈非亂乎據此諸文故以郊與丘二者爲別而冬至之郊特爲魯禮也張融謹按郊與圓丘是一與王肅同又魯轉十三正王與鄭立亦同其周禮云圓丘服大裘此郊特牲及家語則云大裘被衮冕家語又云燔柴脫裘服衮冕義難可通又

周禮祀大神率執事而卜日圓丘既卜日則不得正用冬至之日也凡此是張融之說鄭此注云以建子之月郊天用辛日者當齊戒自新也如鄭此言是亦不用冬至日也郊丘大事玉鄭不同故畧陳二家所據而言之愚按曰郊曰丘曰天曰帝皆異名詞實之文先儒之論定矣鄭氏舍經信緯分郊丘為二祭天帝為二名其說蓋多不經甚至以禘為祀紫微大帝于圓丘郊為祀感生帝于南郊則又不但郊之禮亂即禘之禮亦亂而經傳之貽誤者不淺矣雖其指車服牲幣之屬固覺有難合者但據其言五時迎氣與郊天禮自有分而即郊天以言其在道與至壇儀亦容別始禮與正祭用更應殊况經傳舛駁多有又當辨其真贋乎其斥家語為傳會之文今雖未敢深辯而聖證論之附聖與鄭注之附讖馬昭之附鄭得失固易明也若其他舛無庸辯與先儒所已

○大宰祀大神示則掌百官之戒誓與其

具修前期十日率執事而卜日遂戒及納享饗王牲事及祀之

日贊玉幣爵之事

見祀五帝

大宗伯凡祀大神享大鬼祭大示帥執

事而卜日宿眡滌濯泣玉鬯省牲饌奏玉盥詔大號治其大禮

詔相王之大禮昭相皆謂宿之日也

義易益卦六二爻辭永貞吉王用享于帝吉震下巽上名曰益

虛中求益有陽剛之應而以柔居柔疑從益之未固故戒永貞則吉也王用饗于帝吉者言虛中而能永貞用以饗上帝借當

獲吉况求益于人有不應乎鼎卦彖辭鼎象也以木與火烹飪祭天天子之事故云王用也

也聖人烹以享上帝而大烹以養聖賢巽下離上名曰鼎

所以烹飪也鼎之為器生人所賴聖人烹以養上帝極言其用之大也朱子曰享帝用饋貴誠之義也養聖賢則饗殮牢禮極

其盛矣故豫卦象辭雷出地奮豫先王以作樂崇德殷薦之上

帝以配祖考坤下震上名曰豫

動則出地奮震通暢和豫故為豫也先王以作樂者坤靜以順震動以發和順積中以發于外有樂之象故作樂以崇昭至德而殷薦之上帝以配祖考也殷盛也薦上帝配

祖考盛之至也朱子曰雷出地奮和之至也先王作樂既取其聲又取其義禮記祭義惟聖人為能

饗帝疏謂饗帝為難惟聖人能之也餘見王祠論嘗烝禮禮運祭帝于郊所以定天位也

禮行于郊而百神受職焉定猶正也天位易言天位乎上是也受職謂風雨節寒暑時而無爽職也

餘詳章義家語定公問曰古之帝王必郊祀其祖以配天何也孔子

對曰萬物本于天人本于祖郊之祭也大報本反始也以下各文並見

禮記郊特牲而無問答之詞文亦小有同異今參郊特牲定之公曰寡人聞郊而莫同何也孔

子曰郊之祭也迎長日之至也至于啟蟄之月又祈穀于上帝

此二者天子之禮也魯無冬至大郊之禮降殺于天子是以不

同也迎長日之至謂冬至也郊特無至于啟蟄以下其言郊何也曰兆丘于南郊就陽

位也于郊故謂之郊郊特牲無丘字所謂圓丘也其牲器何也曰上帝之牛

角爾粟在滌三月后稷之牛惟具所以別事天神與人鬼也牲

用駢尚赤也用犢貴誠也

角如騶與栗然所謂犢也滌謂養牲之所以其滌祭故名也在滌三月

芻而養之也其全也不必藪粟取無傷而已郊特牲無滌牛稷牛二句

掃地而祭貴其質也器用

陶匏以象天地之性也萬物無可稱之者故因其自然之性也

地謂圓丘之地蓋燔柴于丘壇上說遂于壇掃設正祭不用筴凡所謂以下為貴也梧谷也凡器物無可報答故惟因陶匏自

然之性質質亦取其自然而已蓋互文郊特牲無萬物以下二句

公曰天子之郊其禮儀可得

聞乎孔子對曰臣聞天子卜郊則受命于祖廟作龜于禰宮

祖親考之義也卜之日王親立于澤宮以聽誓命受教諫之義

也既卜獻命庫門之內戒百官也大廟之內戒百姓也

正澤宮從廟

將擇士也誓命以禮儀詔王也獻命獻戒百官之命也郊特牲

卜郊不言天子下亦無既卜二字又雖衍緝其義則同又問禮

大司寇之職祀大神示則戒之日泣誓百官戒于百姓此則

卜之日王親立于澤宮以聽誓命不同者大宰職既卜遂郊

亦十之曰可知矣太司冠職云誓百官戒百族此則云庫門之內戒百官太廟之內戒百姓亦不同者百族與百姓舊無統表有定訓或云王之族親或云官之吏役據誓于太廟似指族親據誓以司寇似指吏役未詳何屬也將郊天子皮

弁以聽報示民嚴上也報告也王夙興朝服以待白事也嚴敬也君上敬乎天信臣上敬其君也將郊

謂將往郊下文郊之日謂往郊時也郊特牲通云郊之日郊之日喪者不敢哭凶服者不聽

入國門汜埽反道鄉為田燭弗命而民聽敬之至也反道謂反新土在上

也田燭田間為燭也不哭以謹諱不入以趨吉汎掃以去塵田燭以照路反道以除垢五者歲為常不待上命也反道鄉為田

燭從郊特牲家語作清路行者必止天子大裘以黼之被袞象天乘素車貴其質

也黼之者大裘為黼文象天本然也但被袞于上耳郊特牲無大裘二句而素車句亦在旂旒冕旒之中間從此為合旒

十有二旒龍章而設以日月既至泰壇脫袞服袞以臨燔柴載

冕璪十有二旒則天數也天垂象聖人則之所以明天道也旒

見衮象天由屯蒙而文明也天垂象三句家語錯在報本反始
下今從郊特牲○按燔柴用幣玉訖乃設上文掃地而祭爾果
尚匏及凡所記音樂柷鬯菜盛之
屬此蓋因問而答之不以次也

祭地示禮五之三

說見前卷

士歲祭五祀禮

大夫歲祭五祀禮

諸侯歲祭五祀禮

王歲祭五祀禮

以上祭五祀謂春戶夏灶季夏中霽秋門冬

也但禮闕其禮差不可考今姑用鄭注附于經學者更參補其漏畧則得矣至記傳異義亦錄記于左而附論得失以俟

達禮者之論定云

祭戶之禮先設席于廟之堂與次南面設主于戶內之西乃實醴

于尊制脾及腎為俎奠于主北設盛于俎西祝祭黍稷祭肉祭醴

皆三祭肉脾一腎再脾先既祭徹之陳鼎俎設饌于堂與之筵前

迎尸畧如祭宗廟之儀

注曰春陽氣出祭于戶內陽也秋陰氣出祭于門外陰也凡祭于廟用特牲疏曰從

外向內戶在內故云內陽從內向外門在外故云外陽凡言先者

俱陳而先用以祭也云凡祭五祀于廟用特牲者此乃中饋禮文

祭戶若中饋皆在廟門之內設席于廟堂之奧祭竈若門若行則

皆在廟門之外設席于廟門之奧雖廟室廟堂廟門有別總謂之

廟也特牲謂特牛特羊之屬小司徒小祭祀奉牛牲注云小祭祀

王玄冕所祭是也諸侯亦當然其大夫所祭或特羊與祭有主有

尸者謂天子諸侯若卿大夫廟無主則五祀無主也祀之日設主

于戶內西者先設席于奧乃更設席于廟戶西夾設主之人南面

設主于戶西位上使主北面也乃制脾及腎為俎奠于主北又設

盛于俎西者設主訖割制脾與腎為俎奠于主北在主之前稍

東又設盛黍稷之簋在主之前稍西也祭黍稷祭肉祭醴皆三肉

脾一腎再者時始設主未迎尸是祝官祭之其祭黍稷祭肉祭醴

皆三變而其祭肉則脾一祭腎再祭也云既祭更陳鼎俎設饌畧

如祭宗廟之儀者既祭黍稷祭肉祭醴訖徹去俎與盛更陳列鼎

祖設其饌食于初設與之筵前于時主已移于筵上主人乃出戶迎尸以入而祭之但宗廟之祭尸入後始祭邊豆及黍稷醴今祭戶已于戶西祭黍稷祭肉祭醴迎尸入卽筵應坐而饌食不更祭黍稷祭肉祭醴故云畧如祭宗廟之儀也先設席于與設饌迎尸皆在與者就尊處也其設主祭黍稷等于戶西者就尸處也五祀皆然遇按五祭所先春木令先脾土夏火令先肺金秋令先肝木皆從令所剋也狗季夏土令先心火取生令冬水令先腎水取比合者水主先天五行始于水土土主後天五行成于土故獨取生合比合以保之也若我剋則有傷矣舊說舛駁莫定謹訂之

祭竈之禮先席于廟門之與次東面設主于竈陲制肺及心肝爲俎奠于主西設盛于俎南祝祭黍三祭肺心肝各一肺先祭醴三既祭徹之陳鼎俎設饌于廟門與之筵前迎尸如祭戶之禮夏陽祭于竈達其陽也冬陰氣盛祭于行散其陰也○注曰竈在廟門之東疏曰竈在廟門外之東蓋少牢及特牲禮文云先席于門之與東面設主于竈陲者謂在廟門外西室之與凡神位在西故也祀尸在戶內故祭在廟室之與祀竈在門外故設主在門室之與

東面謂設者東面也。竈，陰竈，邊承器之物，以土爲之。云奠于主西者，主位西嚮，故置俎在西而對主也。設，盛謂黍稷盛于篚，皇氏以爲此祭老婦盛于盆者，非黍稷等設于俎南，此唯云祭黍或無稷也。配竈神而祭者，是先炊禮器云。竈者，老婦之祭也。

祭中霤之禮，設主于牖下，制心及肝肺爲俎，心肺肝各一祭，心先

其他如祭戶之禮。

注曰：中霤猶中室也。土主中央，祭于中霤，神在室也。古者復穴，是以名室爲霤。云疏曰：注云中

霤猶中室者，中霤所以取明棟間開牖象之，亦云承甕。今祀在室之中央，喪禮云浴于中霤，飯于牖下，明中霤不闕牖下也。云土主中央而神在室者，解所以在室中祭土神之義。土五行之主，故其神在室之中央。杜注春秋云：在家則祀中霤，在野則祀社。又如特牲云：家主中霤而國主社，明社神亦中霤神之類也。云古者復穴，是以名室爲霤者，又解所以謂室中爲中霤之義。古者未有宮室，隨地窟居，若平地，但地上累土，重複爲之，謂之爲復。若高地，則壑地爲坎，謂之爲穴。其形皆如陶竈，然故詩云：陶復陶穴，一者皆開其上，取明故雨霤之，是以後因各室爲中霤也。云祀中霤之禮，設主于牖下者，開牖象霤，故設主當室牖之下而北嚮也。

祭門之禮，北面設主于門左，樞制肝及肺，心爲俎，奠于主南，設盛

于俎東祭肉肝肺心各一肝先其他皆如祭籠之禮秋陰氣出故祀于門義見

上疏曰云北面設主于門左楹者謂廟門外之左楹主南嚮而設主者北面設之也

祭行之禮北面設主于輶上制腎及脾為俎奠于主南設盛于俎

東祭肉腎一脾再腎先其他皆如祭門之禮冬陰氣盛故祀于行義見上舊訓非注曰

行在廟門外之西為輶壞厚二寸廣五尺輪四尺疏曰知行在廟門外西者壞弓云毀宗職行是也此以下皆中書禮文但常祀行神之輶壇東西為廣兩北為輪若國外祖道輶祭其壇隨路所嚮為廣輪惟尺數則同也云北面設主輶上者主南嚮故人北面設之其主則鄭注大馭以陪制較柏為神主是也

記曲禮天子祭天地祭四方望山川祭五祀歲徧諸侯方祀祭

山川祭五祀歲徧大夫祭五祀歲徧祭天地四方望山川者惟天子乃祭天地祭四方之

神又望祭其山川也方祀祭山川者諸侯惟祭本方之神與其在境內之山川也王以下同祭五祀者所謂上得兼下下不得

兼上也則祭法分七祀五祀三祀之說為漢記之文而非先王之制明矣 月令春祀戶祭先脾夏祀

竈祭先肺中央祀中霤祭先心秋祀門祭先肝冬祀行祭先腎

見上 周禮小子掌祈于五祀 祈注從士師職作創謂割牲以爨也 大宗伯以血祭祭

五祀 注曰取血以祭曰血祭也按此謂正祭也若夏官小子職其所云宰祈于社稷五祀祈注讀從士師職讀作創謂割

牲以爨也則見四祭之事類社稷禮亦然 ○司服王祭五祀則服絺冕 絺冕服凡三章○外小服

大喪及葬分禱分祀又士喪記疾病乃行禱于五祀此因事之祭也另見

附記 春秋傳晉魏獻子問于蔡墨曰社稷五祀誰氏之官也 蔡墨晉大夫

史對曰少皞氏有四叔曰重曰該曰修曰熙重為勾芒該為蓐

收修及熙為玄冥顓頊氏有子曰犁為祝融又共工氏有子曰

句龍為后土此五祀也后土為社烈山氏之子曰柱為稷自夏

以來祀之周乘亦為稷自商以來祀之此五官之祀數雖相同別為一祀非五祀也且如直以五官為五祀則勾龍既為五祀之一又列于社而述種社稷五祀祀典複亂乃爾耶祭法王為羣姓

立七祀曰司命曰中霫曰國門曰國行曰泰厲曰戶曰竈王自為立亦七祀諸侯為國立五祀曰司命曰中霫曰國門曰國行

曰公厲諸侯自為立亦五祀大夫立三祀曰族厲曰門曰行適士立二祀曰門曰行庶士庶人立一祀或門戶或竈此與各經傳全背且

降殺亦絕無理斯所謂漢時之記與而鄭氏乃反以此為周制而各經傳乃殷禮也何率哉

鄉大儺禮

國儺禮

王儺禮此自王而國而下至于鄉之達禮凡諸侯及其鄰國亦如之也儺以和陰陽之氣也而旁磔九門四方者

禮記

卷

蓋天地之氣上下交而陰陽遂矣
其禮皆闕今將經傳總記于左

記月令季春天子命國雊九門磔攘以畢春氣

裂牲謂之磔除禍謂之攘畢盡

也厲氣除故春氣無有留滯也方氏曰雊以除陰戾也春秋各皆雊獨夏不雊者則以陽盛之時陰戾不能作故也春日磔禱冬曰旁磔秋不言亦可知矣仲秋天子乃雊以達秋氣

春雊以畢春氣冬雊以送寒氣秋雊則以

達秋氣者其雊以除過時之陽暑陽為君象非可驅除達通也涼氣通則暑氣自除矣故其雊不于季秋而于仲秋也不于孟秋者其前陽暑猶不為過時也季冬天子命有司大雊旁磔出土牛以送寒氣

鄉雊謂之大者王雊止于王國至于鄉而無不得矣旁磔謂四方之門皆磔牲以禳不但如季秋九門磔禱而已出土牛者月建丑為牛又土能制水之陰氣故特作以出之也

○周禮占夢季冬令始雊驅疫

獻吉焚于王釋萌以贈惡稟而乃始令方相氏儻之也令不言春秋者舉大雊而言方相氏掌蒙熊皮黃

金四目玄衣朱裳執戈揚盾帥百隸而時雊以索室敲疫

相法

名方相氏者其相視攻疫者非一方故也象熊皮猛以搏病也黃傘四日明以屬隱也玄衣朱裳以為容執戈揚盾以為用百隸卽罪隸夷隸之屬時儺謂春若秋若冬也室乃隱隱所藏故搜索而殿之○吳氏曰儺者使和氣充盈足以勝天地之乖氣此亦王燮聖之一端也思技陰陽和而後萬物遂儺以和陰陽也而方氏惟謂除陰隱者蓋陰陽二者不能相無而先王未嘗不致其扶陰抑陽之意以陽善而陰惡故也然而亢陽之已過則先王固亦平之矣天子乃儺以達秋氣是也季春陰隱淺故儺惟及國季冬陰隱深故儺徧于鄉若仲秋平陽暑而已故惟天子得行之也百隸惟君乃有其節大儺蓋胥徒之屬為之與

考論語鄉人儺孔子朝服而立于阼階

注曰儺雖古禮而近于戲亦必朝服而臨之者

無所不用其誠敬也或曰恐驚先祖五祀之神而使之依已以為安也

凡侯禴禘祠禮

諸禮無所專指以小祝職推之可見列于地示者侯禴于郊及置亦地示之意也下贈愛

禮舍剪曰方放此禮闕

今錄記周禮諸儀于左

記周禮羊人凡侯禴共其羊牲

其供同○小子凡侯禴飾其牲

飾者修飾者修小祝凡小祭祀將事侯禴禘祠之祝號以祈禱禴禘

年逆時雨寧風旱彌裁兵違旱疾侯之言侯也祈禴禘之屬禴

讀曰救安也疏曰掌小祭祀者即是將事侯禴已下是也祈禴

祥順豐年逆時雨三者皆是候寧風旱彌裁兵違旱疾三者即

是禴求福謂之禴報賽謂之祠祝號見上禴祥豐年皆雨是善

慶故候迎之風旱災兵旱疾是凶咎故禴郊之禴讀曰救洛誥

救安功注云肆師與祝侯禴于郊及置置疆同于郊及置

救安也是也肆師與祝侯禴于郊及置所謂候而禴之也

王贈麥禮

見上

記周禮占麥季冬聘王麥獻吉麥于王王拜而受之聘問也季

故欲上吉祥故問也獻者乃舍萌于四方以贈惡麥舍萌猶言

進吉兆拜者敬天休也乃舍萌于四方以贈惡麥釋來古釋

奠釋菜多作舍菜

言萌者冬故也

鄉邑蜡禮

侯國蜡禮

王國大蜡禮

此王侯下至于鄉邑歲將終蜡祭羣神而因以勞農息民之達禮也其禮皆闕無考今將禮記

郊特牲

記于左

〔記〕郊特牲天子大蜡八伊耆氏始為蜡蜡也者索也歲十二月

合聚萬物而索饗之也

蜡音作索音色○鄭注曰蜡祭八神先齊一司齊二農三豨表暇四貓虎五坊

六水府七昆蟲八也張子曰昆蟲害苗不當祭百穀之種凡八

也按下文張說得之但百種當謂祭百種之神耳郊特牲注又

稱祈天宗祠公社門閭臘先祖五祀為蜡與此不同按月令臘

先祖五祀疏乃息禮也說詳後文伊耆氏堯也索求也十二月

謂夏正也合聚猶閉藏也其月萬物歸根復命聖人報其神之

有功者故索享之周禮國祭蜡則吹竽頌擊土鼓以息老物是

也蜡之祭也主先齊而祭司齊也祭百種以報齊也齊積同種去聲○先

齊謂神農主如前章主日之主司齊謂古后稷官也百種亦氏

謂百穀之種也陳注謂百穀之種之神也蓋齊功成即以百種

祭其神而報之與祭魚祭獸之意畧同也馬氏曰先嗇者其知足以創物立法于其先司嗇則因其成法謹司之而已故祭以先嗇為主而饗農及郵表啜禽獸仁之至義之盡也古之君子配以司嗇也

使之必報之迎貓為其食田鼠也迎虎為其食田豕也迎而祭

之也啜音拙為並去聲○農謂古之田畷有功于民者也郵者郵亭之舍表標也標表田畔相連啜處造為郵舍而田畷

居以督耕故並享之也享禽獸謂主禽獸之神迎貓虎即其神也田鼠田豕皆能害稼貓虎食之有功故迎其神祭之者山蘇氏謂迎貓則為貓之尸迎虎則為虎之尸近于

倡優所為是以子貢言一國之人皆若狂也祭坊與水庸事

也曰土反其宅水歸其壑昆蟲毋作草木歸其澤坊音防○防隄也以蓄水

亦以障水水庸謂溝也以受水亦以洩水皆農事之備也曰祝辭宅之言居謂故居也反宅則土無崩圯歸壑則水無氾濫昆

蟲蟪蛄之屬澤謂藪澤也毋作則不害于穀苗歸澤則不萌于

穀土以本文推之昆蟲草木乃祭坊庸之祝詞非祭昆蟲之謂

當從張說為正此以皮弁素服而祭素服以送終也葛帶榛杖上言蜡祭之名義也

喪殺也蜡之祭仁之至義之盡也

殺去聲○此二節言蜡祭禮之儀制也言物之成歲功者

至此而考老則終矣故皮弁素服葛帶榛杖以送之而殺于妻禮也用葛者麻之殺用榛者竹之殺殺于喪則義之盡報其功

則仁黃衣黃冠而祭息田夫也野夫黃冠黃冠草服也

注曰此既蜡而

臘先祖五祀也疏曰對言之為蜡與臘總言之俱名蜡也月令孟冬臘先祖五祀勞農以休息之與此十二月異時者秦制耳

自其事謂之田夫自其居謂之野夫冬則無田事而居矣草服象草色黃也祭者之儀制若草野之夫然○陳氏曰蜡以息老

物故服送終之服臘以息民故服田夫之服

大羅氏天子之掌鳥獸者也諸侯貢屬

焉草笠而至尊野服也

諸侯鳥獸之貢屬大羅氏掌之草笠亦草野之服故貢使服以獻歲功也此下

二節又因蜡

羅氏致鹿與女而詔客告也以戒諸侯曰好田好

女者亡其國

好去聲○本節多未詳注曰鹿者田獵所獲女者亡國所俘容謂貢使也言客將返羅氏以三者致

之詔使告其君而戒之曰好田獵好女色者必亡其國也周氏曰周官羅氏辨則作羅羅者鹿所獲禱者女所服故致此

戒之非以鹿與女致也。鄭諤曰：用取鹿之具以戒好田，用婦之
幣褊以戒好文。本二物使羅氏作之以遺貢，使先儒以羅褊為
一物，豈未之思與？愚按：鄭氏所駁先儒羅褊為一物者，蓋指先
鄭而言也。考周禮夏官羅氏：「羅則作羅褊，鄭司農讀褊為羅褊。」
密羅所以取鳥雀也。味羅氏職：「褊本作褊，為合蓋傳寫之誤。但
漢初記郊特牲已從如字作解，諸家乃本之耳。夫致褊戒女，其
于羅氏之職何與而附麗之哉？且褊褊婦人
穢褻之服，未聞聖王戒風愆而假此以詞也。八褊以記四方，四
方年不順成，八褊不通，以謹民財也。順成之方，其褊乃通，以移
民也。既蠲而收，民息已，故既蠲君子不興功。移去聲。○此節結
言之也。記志也不
通者，塞也。皇氏謂為蠲以記成功，若其國不成，則不為蠲也。移
者，寬動之義也。周禮：「正國索鬼神而祭祀，則以禮屬民而飲
夫子所謂一日之澤是也。收猶飲也。既蠲收，故積聚民皆休息
矣。乃欲興起事功，得乎？」○陳氏曰：「八褊不通，猶旱乾水溢則變
置社稷
之意也。」

家邑方祀之屬禮

諸侯方祀之屬禮

王祭四方之屬禮

文見曲禮按四方之神蓋謂其方土所產神聖賢德之屬有功德于民者而凡一切

物類靈異雜稠之屬能為利害于民者亦及之傳所謂方望

之事無所不通是也其禮自崇德報功下及春祈秋報之屬

惟有天下者通得祭其四方而侯國但得祭其本方故曲禮

云然舊乃謂王于四時得祭四方以迎氣而諸侯則惟祭一

方如東諸侯則祭東方以迎之今按其說殊謬今制凡郡邑

之長猶得歲始迎春而謂古之諸侯凡在南方與西方北方

者雖春為四時之首亦不得一迎理豈

可通乎請禮皆闕今採經傳遺記于左

記王制天子諸侯祭因國之在其地而無主後者

因國謂其建國因先代之

故墟也既無主後者以為之祭則在王圻者天子祭之在侯國

者諸侯祭之如注所謂九皇六十四民之屬是也然此亦謂凡

因國無主者耳若其功烈較者載祭法契為司徒而民成其勤

在祀典者則雖非因國有定禮矣

其官而水死皆先世貴臣有功德者也載在祀典

此則惟天子乃遍祭也

及矣冥以山林川谷丘陵能出雲為風雨見怪物皆曰祿有死
外蓋省文

下者祭百神諸侯在其地則祭之亡其地則不祭
此蓋謂物異能為利災者

與云山林以下者謂神所
在之地非謂山林之神也周禮大宗伯以鬯辜祭四方百物

謂凡接磔
及蜡祭也鬯人凡四方用鬯凡鬯事用散
鬯散皆漆尊也鼓人掌教舞

舞帥而舞四方之祭祀
羽舞析羽為之祭法四坎壇祭四方也
注曰朝祭四方

川谷丘陵山林之神也川谷于坎丘
陵山林于醜或曰亦謂四方之神也

考詩大雅雲漢祈年孔風方社不莫
莫暮同○此宣王憂時惻下而自述其事神蓋禮不

敢追違之意也○注曰祈年孟春祈穀于上帝及孟冬祈來年
于天宗是也方祭四方也社祭土神也愚按孟冬祈穀禮及社

禮並見郊社孟冬祈年見
蜡此方即王祭四方也小雅甫田以我齊明與我犧羊以社

以方
此公卿有田祿者力農報祀而詩美之也○注曰齊明即山禮稷曰明齊例言之者便韻耳色純曰犧方祭四方愚

按諸侯方祀而卿大夫家邑得祭四方者蓋祭其家邑之四方亦猶所謂方祀也

諸侯祭山林川澤禮見下

王祭山林川澤禮見下

王祭五嶽禮此王祭山林川澤之禮諸侯于在其封內者亦祭之惟嶽瀆之屬凡名山大澤不以封諸侯者

則王所獨也以上禮皆闕今姑採記經傳于左

記王制天子祭天下名山大川五嶽視三公四瀆視諸侯諸侯

祭名山大川之在其地者視者視其牲器之數也餘見下大傳五嶽視三公四

瀆視諸侯其餘山川視伯小者視子男疏曰按周禮五等諸侯

年於五牢豆四十饗禮九獻侯伯饗餼七牢於四牢豆三十有

二饗禮七獻于男饗餼五牢於三牢豆二十有四饗禮五獻凡

分三等今王制視公視侯凡分二等大傳視公視侯視伯視子男凡分四等並與周禮不符王制多論夏殷之制大傳又非周

禮鄭注當據異代法也愚按疏說慎矣然其謂異代法者蓋其
 其說不得而為之詞也考周禮典命司馬行人司儀之屬
 並分三等大傳四等之分當本孟子班爵祿章而孟子固自言
 其詳不可得聞矣今以王制大傳與周禮合參之蓋四清與
 餘山川皆視侯伯庶與周禮三等之儀相符也舉者詳之
 他時則仲冬命有司祈祀四海大川名源淵澤井泉季冬乃
 用也

山川之祀井泉謂周禮小宗伯兆山川丘陵墳衍各因其方順

所在也不言林澤蓋山川概之矣山虞若祭山林則為主而修除且辨

也修除治道路壇場也愚按山虞兼為林街傳云周公祀泰山

主者山虞尊也不言澤虞為川衛主蓋省文名公為尸周公祀泰山未詳名公為尸猶言董伯為尸矣○司服祀山川則冕

五典瑞璋邸射以祀山川璋有邸而射殺于天地四望也鄭司

素功以祀山川素功者無綵飾也大宗伯以血祭祭五嶽以狸沈祭山林川澤

功者無綵飾也

注曰陽祀自煙起陰祀自血起皆貴氣臭也山林埋川澤沈順其性也不見四瀆者四瀆五嶽之匹或省文與羊人庄

沈辜其其羊牲小子凡沈辜飾其牲大人凡祭祀用牲物凡沈

辜用麗可也體完曰牲色純口物麗雜色也邕人掌供秬鬯而飾之凡山川用

蜃注曰秬鬯不和鬱者備謂設中也鬮尊書為蜃形也大司樂奏蕤賓歌函鐘舞大夏以

祭山川函鐘一印林鐘別名一變而致羽物及川澤之示再變而致藻物

及山林之示三變而致鱗物及丘陵之示四變而致毛物及增

衍之示詳周禮舞師教兵舞帥而舞山川之祭祀兵舞以于賦

考學記三王之祭也先河而後海或源也或委也此之謂務本

河源海委也禮器晉人將有事于河必先有事于惡池齊人將有事

于泰山必先有事于配林三月繫七日戒三日宿饋之至也

為呼池大河反。注曰呼池，唯夷并州川配林，泰山之從祀，祭河嶽必先告從祀者。從小至大之義，其川呼沱、唯夷并州，職方文。

州里祭社稷禮見下

家邑祭社稷禮

此家邑及州里之屬，祭社稷之禮也。按社稷之祭，自王下達于大夫，士庶小宗伯左宗廟

右社稷論語邑宰有民人社稷是也。然孝經言王侯大夫士庶之五孝，惟諸侯言保社稷，餘無言及社稷者。孟子亦言天子保四海，諸侯保社稷，大夫保宗廟，士庶人保身。禮皆不言社稷何也，亦所謂上得兼下，下不得侵上之義也。惟天子得祭天地，故不言社稷，而大夫以下得與民共立社稷，而不得自為社稷，所謂成群立社，曰置社而已。故但與民祭社稷而亦皆不言保社稷也。以上二禮皆闕，今探記周禮祭法于左，而保皆總記于後云。

記州長若以歲時祭祀州社，則屬其民而讀法。

疏曰凡歲時多謂歲之四時，此

歲時惟謂歲之二時，春祭以祈秋祭以報耳。凡讀法皆因禮節以聚民，今既祭社，因屬聚其民而讀邦法也。祭法大

夫以下成群立社曰置社

注曰群衆也大夫以下通士庶人也大夫不得特立社與民族居百家以

上則立社今時里社是也郊特牲云惟爲社事單出里疏曰太

夫以下不自專土地故不特立社與衆成群則立社者社以爲

民故也注云百家以上則立者詩頌云百室盈止殺時俾牲是

百家有社言以上則不限多少若州長職歲時祭社則二千五

百家爲社也雖百家以上則立社惟有國之諸侯及治民之大

夫乃有社稷大司徒職設其社稷之壇而樹之田主注云田主

田神也后土田正之所依也是也愚按言百室蓋約詞不得泥

百家有社周禮惟州長職言祭社或黨族闕比亦祭于州社中

也周禮祭法皆言社不言稷蓋省文義已見上

諸侯祭社稷禮

見下

王祭社稷禮

此王及侯國祭社與稷之禮今闕而補記其經傳并各總義于左也

記周禮小司徒凡建邦國立其社稷

疏曰邦國謂畿外諸侯邦國也小宗伯掌

建國之神位右社稷左宗廟

注曰左右謂庫門內雉門外之左右也疏曰言國之神位者據國中

神位言之對下郊兆在外而言也按考工記匠人掌設王之

社壇凡封國設其社稷之壇注曰壇謂壇及增埽也不言稷者

內有壇經不言壇舉外以見內故鄭兼見之云不言稷為社之

細者按大司徒及各職皆社稷並言此不言稷以社總五土稷

是其中原大司徒設其社稷之壇而樹之田主各以其野之所

宜木遂以名其社與其野注曰社稷謂后土及田正之神田主

依也所宜木謂松柏栗之屬若以松為社者則名松社之野疏

曰云設其社稷之壇而樹之田主者謂于中門外之右邊設大

社大稷王社王稷又于廟門之屏設勝國之社稷其社稷外四

面皆有壇埽而其藉田之內又依樹木而為田主也云各以其

野之所宜木者王之田主惟一而已不得云各云各者總據

邦國都鄙非王者而言也田主郊特牲所云先嗇神農也以神

農為主祭尊可以及非故后土及田正二神遷依之同壇其位

田正則郊特牲云司嗇后稷也云謂松柏栗之屬者論語宰予

對哀公之文夏居平陽宜松殷居亳宜柏周居鎡宜栗經雖據

周一代其邦國都鄙木亦異宜故云若松柏栗之屬與遷據

之田主之樹猶立也注以依樹木為主訓之非是田主或依樹木但不可以此訓樹字耳又按逸尚書大社推於東社惟柏南社惟梓西社惟栗與此不同而木之別則可見右又有枌榆之社明木不止松柏栗也祭法王為群姓立

社曰大社王自為立社曰王社諸侯為百姓立社曰國社諸侯

自為立社曰侯社

疏曰大社在庫門內之右王社所在書傳無文或云在大社之西崔氏云王社在籍田詩

頌云春藉田而祈社稷是也諸侯國社侯社亦如之愚按上疏云王社王稷並在中門外之右今云無文又云王社在籍田與上不符疑上疏為得之社稷自在國其田主則在籍田經云設其社稷之壇明社稷各有壇隨其籍田則田主為壇位而社稷之神依之同壇其位明以田主為主也若如禮氏則田主在籍田王社亦在籍田又何依田主同壇其位之得云耶祭法不言大稷王稷之屬蓋省文 郊特牲喪國之社屋之義見後 ○月令擇元日命民

社疏曰按郊特牲云祀社日用甲用日之始也古語戊封人命社午乃社于新邑用戊者周公告營洛位成非常祭也 封人命

社稷之職

注曰將祭命諸有職事于社稷者也

郊特牲惟為社事單出里惟為社

田國人畢作惟社丘乘其粢盛說見後王制天子祭社稷皆太牢

諸侯祭社稷皆少牢此王侯之差也然則大夫以下蓋特牲與大宗伯以血祭祭社

稷注曰以血祭者陰祀自血起陽祀自煙起皆貴氣臭也大司馬仲春教振旅遂以鼙

獻禽以祭社注曰春田主祭社者土方施生也○小子擊珥于社稷珥即司農

祭也注讀作衄謂暴禮也按王制祭社稷皆太牢似注說是蓋祈禳異禮與邕人掌其鉦鼙而飾之

凡社壇用大鞀注曰大鞀謂瓦尊鼓人以鼗鼓鼓社祭注曰鼗鼓亦面

示也疏曰按郊特牲云社所以神地之道也故舉社以表地大

宗伯以血祭祭社稷五祀亦其義也凡地之大小之祭皆用鼗

鼓舞師教敎舞帥而舞社稷之祭祀敎舞析白羽為肆師社之

日蒞上來歲之稼疏曰祭社有二春祈秋報此因報祭而來歲亦如今年宜稼也下兼春稼秋穡不言積

稼也猶由于○士師若祭勝國之社稷則為之尸注曰以刑官為尸

勝股云勝國此是也據殷亡日喪國郊特牲喪國之社屋之是也據其地曰亳社春秋亳社災是也喪祝掌勝國

邑之祝號以祭祀禱祠焉注曰勝國社稷存之者重神也疏曰祭祀謂正祭禱祠謂國有故也祈曰

禱報曰祠愚按據注義則立亳社一垂鑿一存神也然垂鑿之義為正

義禮運命降于社之謂殺地注曰謂教令由社下者也疏曰注云政本于天此云政降于地者大

司徒土會之法山林川澤丘陵墳衍原隰五地總生萬物人君法之施政令亦總資萬民也祀社于國所以

列地利也故禮行于社而百貨可極焉列猶陳也猶舜帝于郊所以定天位也恆猶致

也猶禮行于郊而百神受職也乾始能以美利利天下不言所利但見凝然正位而已地利陳而百貨致矣此乾元資始坤元

資生之義也郊特牲社祭土而主陰氣也君南鄉于北墉下答陰之

義也日用甲用日之始也墉者社之環牆也地秉陰社乃陰氣之主故設其主使面于北墉下而君

于北墉之下南鄉而祭以對答之也始者甲為十干之始也天子大社必受霜露風雨以

社稷 卷二十一 下

天地之氣也是故喪國之社屋之不受天陽也薄社北燹使陰

明也

薄宅同書作亳商邑各音訛為薄也商于周為喪國而必立其社者示戒之意也白虎通謂王侯必有誠社是也屋

其上則陽氣不入燹于北則陰氣可通

社所以神地之道也地載萬物天垂象取

財于地取法于天是以尊天而親地教民美報也家主中霤而

國主社示本也

神神之也地載物生財道同于天故祭社以神其道親之而為美報也中霤亦土神上古穴居

中為霤以取明故名中霤而後世因之家罔猶言內外也家惟主祭土神于中霤國主祭土神于社皆示不忘本之意也

為社事單出里惟為社田國人畢作惟社丘乘供粢盛所以報

本反始也

田獵也丘乘猶丘甸也四丘為甸共出車一乘故名也言惟為祭社之事每家一人盡出供事惟為祭社

而獵則國中正羨皆行無留家者惟祭社之案盛則使丘乘共供之蓋以報本反始故也

考大雅雲漢祈年孔夙方社不莫

詩咏周宣王也詳見上

甫田以我齊明

與我犧羊以社以方。詩咏周公卿也詳見上。公羊傳哀公四年六月辛丑

蒲社災蒲社者何亡國之社也。蒲當作亭亦音訛也。○疏曰公羊解蒲是亡國在魯境者天子

以封伯禽取其社以戒也左氏穀梁並謂殷初于亳武王滅商遂取其社賜諸侯為戒也愚按亳一作薄音訛也薄又作蒲音

文變社者封也其言災何亡國之社蓋掩其上而柴其下。據封土非

火所能燒故問之掩柴則得燒矣。上與掩且柴者絕不使通天地四方也蒲社災何以書記災也。火災

也下災災異也穀梁傳焉社者亡國也亡國之社以為廟屏戒

明不能守誠也。法曰立亳社于廟之外以為屏蔽取其不得通天人君曉之

也而致戒心也疏曰按周禮建國之神位左宗廟右社稷此社

在廟外明不與正社同處一在東一在西北氏同于兩社為公室輔是也其屋亡國之社不使達也

也。達通也

王方澤祭地禮。此夏至祭地于北郊之方澤而以后稷配之禮也其禮闕今錄各經傳于左舊注誤信

緯書分北郊與方澤為二禮辨已見上園丘祭天禮

〔記〕禮記禮器因地事地說見祀天○周禮大宗伯以黃琮禮地牲幣

放其器之色黃象地色也八方曰琮象地方也典瑞兩圭有邸以祀地攷江記云兩圭

五寸有邸餘祭法祭地瘞埋于泰折用騂犢折之設反陳注從馬氏讀如字○折

並見祀天禮如折旋之義謂方也牧人職陰祀用騂牲此祭地陰

祀而用騂犢者蓋周尚赤其騂稍近黑者為騂與王制祭天

地之牛角繭栗見前鼓人以靈鼓鼓社祭社善地之通稱對文則祭社與祭地別散文則

通也大司樂凡樂函鍾為宮太簇為角姑洗為徵南呂為羽靈

鼓鼗鼓孫竹之管空桑之琴瑟夏日至于澤中之方丘奏之若

樂八變則地示皆出可得而禮矣函鐘即林鐘屬未在西南方祭地示以為宮者取致養示

坤之義大簇以下謂大簇寅姑洗辰南呂酉二者律呂相生也鼓六面曰靈名靈者著地之德也孫竹竹方生者象陰之小也

空桑山名明陰之乏也咸池明陰之聚也夏至陰之始方澤地
之形函鍾屬未自未至于尚而陰止其數八故八變也天神在
上故曰降地示義詳在下故曰出周禮奏大簇歌大呂舞雲門以祭地示凡以神

仕者以夏日至祭地示物彪禮

附

祭遭喪及凡變禮

祭為大禮而其遭喪及凡日食大廟火之變亦重矣此王侯大夫士皆有遭喪之禮

也王侯以下之祭止于地示人鬼天子之祭及于郊天饗帝然其遺變則一而已禮皆闕而猶見于曾子之問今通錄記

左

記曾子問曰天子嘗禘郊社五祀之祭饗籩既陳天子崩后之

喪如之何孔子曰廢

既陳謂風與陳鼎俎時也

當祭而日食大廟火如之何

孔子曰接祭而已矣如牲未至則廢

接之言連猶連也大廟火而接祭亦謂郊社五祀耳

若禘祫在大廟自當救火子為約言之與說見經解

天子崩未殯五祀之祭不行既殯而

祭其祭尸入三飯不侑，醕不酢而已矣。自啟至于反哭，五祀不

行，已葬而祭，祝畢獻而已。

既葬，解吉，故畢獻，祝而後止。郊社亦然。唯嘗禘宗廟，則俟吉也。屬按外祭

言五祀不行，至既殯既葬而祭，則郊社可知矣。然此止言五祀不行，不言郊社不行者，王制云：惟祭天地社稷為越境而行事，是也。詳見下文。

是也。詳見下文。

右天子祭遭喪及凡變。

〔記〕曾子問曰：諸侯之祭，社稷俎，豆既陳，闕天子崩后之喪，君燕

夫人之喪，如之何？孔子曰：廢。

俎豆猶言奠也。但言社稷者，諸侯無郊社也。不言五祀，蓋省文。

自薨比至于殯，自啟至于反哭，奉帥天子。

此必利反。○注曰：帥，循也。所奉循于天子。

者謂五祀之祭也。社稷亦然。疏曰：王侯祭禮亡，今儀禮唯有大夫士祭禮。按土特牲饋食禮，祝迎尸而入，延坐三飯告飽，祝侑尸，尸又飯至九飯而畢。大夫少牢饋食禮，尸食告飽，祝侑至十

一飯而畢。據此則諸侯卜三飯，天子十五飯，凡當祭皆當祝侑。

也又按士特牲禮尸九飯後主人酌酒酌尸尸卒爵酢主人主人受酢卒爵酌獻祝卒爵注人又酌獻佐食大夫少牢禮亦然據此則凡常祭又皆酌酢卒獻祝與佐食等也以此推之王崩未殯五祀之祭不行者以初崩哀感深至情有未遑不得行故待既殯哀稍殺而後祭其祭不得純如吉禮理宜降殺故尸三飯告飽則止祝更不勸侑其食使之滿數自其從啟殯以後至反哭以前靈柩既見哀懼甚故祭又不行待已葬反哭殯宮畢而後祭其祭尸入三飯祝乃值尸十五飯攝主酌尸又及飲卒爵而酢攝主攝主卒爵而獻祝但祝受飲畢則止無獻佐食以下亦以葬後未甚吉唯行此禮而已趙商問云自啟至反哭五祀之祭不行注云郊社亦然按王制云喪三年不祭惟祭天地社稷為越縵而行事既云葬時郊社之祭不行何得越縵行事鄭答云越縵行事謂喪無事之時天地郊社有常日自啟至反哭自當辟之矣據此未殯以前是有事既殯以後未啟以前是無事故爾得行祭禮越縵行事鄭云郊社有常日自啟至反哭自高避之者郊社尊故啟反哭辟其日五祀既舉若舉越此縵而往赴之五祀去殯處近暫往則返故不為越縵也云唯書禘宗廟侯吉也者王制云喪三年不祭是也其喪所朝仍奠雜記云國禁哭則止朝夕之奠即位自因也人臣尚賤

天子得奠矣。諸侯自啟至反哭五祀。奉循天子者。天子祭五祀。之文。諸侯亦如天子也。諸侯祭社稷。與五祀同。故云社稷亦然。

右諸侯祭遭喪。不言日食大廟火蓋省文。

記曾子問曰。大夫之祭鼎俎既陳。遵豆既設。不得成禮。廢者幾。

孔子曰。九。請問之曰。天子崩后之喪。君薨夫人之喪。君之大廟。

火。日食三年之喪。齊衰大功。皆廢。外喪自齊衰以下。行也。

猶言簠簋豆也。○注曰。齊衰祭行者。謂異門也。愚按。齊衰有異門。有同門。故注以異門。決其祭行也。若大功以下。皆異門。不待言矣。諸侯以下。絕旁期。其齊衰之祭也。尸入三飯。不侑。醢不故。王侯皆不言齊衰以下。

酢而已矣。大功酢而已矣。小功總室中之事而已矣。

注曰。室中長獻尸。以上也。疏曰。凡尸在室之與。視在室中。北廂南面。佐食在室中。戶西北面。今主人主婦及賓獻尸。視佐食。則止。故曰室中之事而已矣。若其後致爵之時。主婦在房中。南面。主人獻。在堂上。北面。則皆不在室中也。小功總兼內外。前文云。內。大

長獻尸。以上也。疏曰。凡尸在室之與。視在室中。北廂南面。佐食在室中。戶西北面。今主人主婦及賓獻尸。視佐食。則止。故曰室中之事而已矣。若其後致爵之時。主婦在房中。南面。主人獻。在堂上。北面。則皆不在室中也。小功總兼內外。前文云。內。大

功以上廢則知小功以下不廢祭也此謂鼎俎既陳之時若不當祭時雖臣妾死于宮中猶三月而後祭凡大夫為貴妾得廢子為父後者為其母細之屬皆不祭也

右大夫祭遺喪及凡變

士之所以異者總不祭總不祭小功可知士異惟此餘皆同大夫矣所祭于死者無

服則祭注曰無服謂若外喪舅若舅之子若從母昆弟也疏曰此子不待問而語之也大夫于小功總不辨內外皆不

廢祭士于小功總不辨內外皆廢祭士輕故得為輕親伸情也

想披舅若舅之子若從母昆弟士雖與之有服而所祭之祖屬則雖祖禰亦皆有服矣故雖總不祭也

右士祭遺喪

助祭遺喪禮臣助祭于公其禮非但自祭比故難親喪既親

下今按當升為經

大夫士將與祭于公既視濯父母死則猶是與祭也次于異宮既

祭釋服出公門外哭而歸其他如奔喪之禮與並去聲○注曰猶是與祭如與祭也次

于異宮以吉與凶不可同處也如未視濯則使人告告者反而后哭注曰使人告告君也反而

后哭不敢專也疏曰視濯祭日之前也既視濯之後而遭父母之

喪則猶是吉禮而與于祭也其時不可吉與凶同處故次于異宮

如未視濯之前遭父母之喪則與與祭者稍異故使人告于君然亦必待告君者反而後哭父母也

右將與祭遭父母喪如諸父昆弟姑姊妹之喪既宿則與祭卒事出公門釋服而后歸

其他如奔喪之禮注曰宿則與祭出門乃解祭服皆差緩也如同宮則次于異宮疏曰

祭前三日將致齊之時也既受宿戒雖有期喪亦與公家之祭然

如是同宮而死則亦次于異宮亦以吉凶不同處也前遭父母之喪既祭乃與祭此遭期喪則宿即與祭又前遭父母之喪既祭即釋祭服出公門此期喪則出門乃釋祭服期喪差于父母故云

皆差
緩也

右將與祭遭齊衰以下喪

為尸遭喪禮

此為尸于公而遭喪之禮亦猶之助祭也今見雜記曾子問故錄記之

記曾子問曰卿大夫將為尸于公受宿矣而有齊衰內喪則如

之何孔子曰出舍于公館以待事禮也

宿之言肅也先祭一日肅而告尸之詞所謂宿

尸也受謂受主人之宿也其時有大門內齊衰之喪則必出居公館以待祭事畢而歸哭也凡以吉凶不施處耳